

# OMUKWETU

Registered at the General Post Office as a Newspaper

ESHIKULAFANO LOIVIKE

YOMBIBELI MU ELOK

Omundaungilo	13-17.1.75	Eenhana	20-24.1.75
Okankolo	3-7.2.75	Onayena	17-21.2.75
Oshakati	24-28.2.75		

M A A L I T S A

KUushimba sigo kOlange (C.D.M)

Ondobe	14-18.4.75	Eembaxu	21-25.4.75
Oniimwandi	7-11.4.75	Elombe	5-9.5.75
Ontananga	12-16.5.75	Onaanda	19-23.5.75
Etilyasa	2-6.6.75	Edundja	9-13.6.75
Ohalushu	16-20.6.75	Oshitayi	23-27.6.75
Okahao	7-11.7.75	Oluteyi	14-18.7.75
Engela	21-25.7.75	Mpungu	3-7.8.75
Nkurenkuru	10-14.8.75	Rupara	17-21.8.75
Mupini	24-27.8.75	Rundu	28-31.8.75
Onamukulo	1-5.9.75	Omuntele	8-12.9.75
Kongo	15-19.9.75	Ogongo	22-26.9.75
Eengolo	29.9-3.10.75	Nakayale	13-17.10.75
Tshandi	20-24.10.75	Oshilemba	27-31.10.75
Uukwandongo	17-21.11.75	Ruacana	24-28.11.75

"Osheshi olo eenghono daKalunga okuxupifa keshe tuu ou te li itavele." Rom. 1:16

Ovaeangeliste vOngeleki: 1. Efraim Angula  
2. Natanael Shinana



"Ohole Onene Yi Vule Awihe Mbyoka."

Ayihe mbyoka," oyini? Otwa igilila kutya omumvo kehe mOngeleki yetu otu na oshipalanyolo shOmumvo ngoka, shoka tashi tula omadhiladhilo giilyo yOngeleki moshimpwiyu shoka, nenge moshilonga shoka, opo shi dhiladhilwe noshi longwe nokuhaengenwa kwaayehe.

Omumvo gwa piti (1974) otwa li tu na oshipalanyolo: "Litha oonzi dhandje." Joh.21:17 Nuumvo otwa pewa mbika itatu: "Eitaalo, Etegameno nOhole, "ihe chole onene yi vule ayihe mbyoka." 1Kor.13:13 Ano ohole oyi vule eitaalo netegameno.

Sho twa pewa mbika, onawa ngele tatu konakona kehe shimwe shi ikalela.

1. EITAALO: ndyoka tatu halelwa okukala mulyo noku li dhiginina omumvo 1975 sigo eso lyetu olyo oshike? PaTestamendi Ekulu, eitaalo olyo evuliko nezimino komalombwelo gaKalunga. Kalunga okwa ti: "Oluvalo lwaAbraham otalu thiki poonyothi," nokwe shi zimine. Omolweitaalo lye ndika okwa yalulilwa uuyuki. Gen. 15:5-6

Eitaalo olyo okwiinekela nokwiigandja nokumwena muKalunga. Itatu yi ontuku ehupitho li thike mpa: Heb.2:3-4 Eitaalo lyoshigwana olyo okudhimbilula iinyengandunge yOmuwa, okutila Omuwa, okwiitaala Omuwa nosho wo omuntu gwe Moses. 2Mos.14:31

Osha yela kutya okuza meitaalo osho okuza muKalunga, momwenyo nomelago. Okukala neitaalo otashi ti okukala nomwenyo nelago.

PaTestamendi Epe, eitaalo olyo omagano gaKalunga kutse.

"Mwa hupithwa keitaalo, omagano gaKalunga." Ef. 2:8

Eitaalo olyo epaya tali tu mangele kumwe otse aantu notali tu mangele kuKristus. Rom.3:25 Eitaalo olyo okwiitaala edhimo-po lyoondjo: "Ngele to hempulula oondjo nowi itaala oto hupithwa." Rom.10:9-11

Eitaalo olyo omwenyo. "Shaangoka e mu itaala a mone omwenyo gwaaluhe." Joh.3:15,36 Naishewe: "Ngoka i itaala, oye e na omwenyo." Eitaalo otali zi moku uva oohapu dhaKalunga. Nonuumvo 1975 tu dhiginineni okulesha nokukonakona oohapu dhaKalunga opo tu pewe EITAALO.

Eitaalo olyo wo oonkondo dhaKalunga okulonga iilonga iinene.

"Ngoka i itaala, ota ka longa iilonga iinene." Joh.14:12

Eitaalo olyo oshikaha, eke, okutaamba ayihe kuKalunga. Okwiindila pwaa na omalimbililo. Jak. 1:5,6 Olyo evululuko lyomwenyo: "Otse mbaka twi itaala, otatu yi mevululuko." Heb.4:3,16 Olyo egameno lyaKalunga nomatati getu: "Kwateni ehwanza lyeitaalo mu wape oku li dhimitha iikuti ayihe yomutondi." Ef. 6:16

Eitaalo olyo uuthiga wetu wopambepo: "Tu ninge aayamba meitaalo naathigululi yoshilongo." Jak.2:5 Olyo omukanka nolyo Jesus mwene hoka tatu tungile, nando tali dhinika notali ekelwahi kuuyuni. 1Pet.2:6-7 Olyo omuti gwokwaaludha omwenyo nolutu: "One omwiitaala tuu kutya ondi na oonkondo oku shi ninga? Oyo ya ti: Eeno, Omuwa, otwi itaala." Jesus nokwa ti: Mu ningilwe ano shi thike peitaalo lyeni." Mat.8:13;9:28-29 Omeho gawo noga tonata,



OHOLE YI VULE AYIHE .....

Dha za kep. 2

Ngele tatu indilwa tu kale MEITAAALO nuumvo 1975, otashi ti kutya otu kale miinima ya tumbulwa mpaka: Evuliko, Ezimino, Okwiigandja noku-mwena muKalunga. Okudhimbulula linyengandunge nokutila Omuwa. Okukala momwenyo nomelago. Okutaamba omagano gaKalunga. Okukala muukumwe na Jesus nonaantu ayehe medhimopo lyoondjo. Mehupitho tu kale moonkondo dhaKalunga tu na eke lyokutaamba ayihe kuKalunga nokuthika mevululuko lyomwenyo, tu na egameno nomatati nuuthiga wopambepo. Jewus mwene a kale omukanka gweitaalo lyetu tu kale nomuti tagu aludha omuntu aguhe. Kaleni MEITAAALO 1975.

Ondilo yetegameno

2. Oshinima oshitiyali osho etegameno. Mulyo otandi mu dhimbulutha Oshituthi sheuvitho lyevangeli miilongo yetu, shoka sha li mOmandongo 9-11. 7.1970. Oshipalanyolo osha li E T E G A M E N O L Y I I G W A N A o K R I S T U S. ( Christ Hope of Nations) Euvitho lyetu esiku 10.7. moshituthi shoka edhina lyalyo olya li: KALUNGA KOYE OYE OMUKWANIILWA Jes. 52:7

Osha li sha yela mOmandongo kutya, shoka sha li sha tegamenwa okuza 9.7.1870 osho okutaambwa kwevangeli nemanguluko muupika wuulunde woludhi kehe. Ando Nakambale Kanene a holokele mOmandongo 9-11.7.1970, andola okwa mono shono kwa li e shi tegamene. Ongeleki opo yi li, evangeli olya taambwa, elalakano lyoku li taandelitha opo li li. E w a n g e l i l y a s i n d a n a.

Otandi indile aaleshi ayehe tu kaleni metegameno lyiigwana, kokutya: muKristus. Oye Omukwaniilwa, Omumangululi muupika auhe wopambepo nopalutu. Mokwiitaala shika, osho oshili lela. Ethimbo edhigu miilonga yOngeleki, miilonga yEpangelo, mekondjo lyopakriste. Ihe taamba elaka ndika tandi li ku tumine: "Tegelela oshilongakumitha." Esiku otali ke ya ngele owi itaala, oto ka mona oshikumitha muuyuni mbuka 1975 nenge muuyuni tau ya.

Etegameno lyetu nali kale okumona, okulonga pamwe naKristus: Nyanyukweni metegameno, iidhidhimikeni moothina, dhiginineni egalikano." Rom.12:12 Oshoka etegameno lyiigwana oKristus gwetu.

O H O L E

3. Oshinima oshititatu nosha hūgunina osho O h o l e. Omathimbo ngashi ngaka omadhigu, euvitho lyetu nali kale ohole yaKalunga. Kalunga ta gandja Jesus. Abraham ta gandja Isak, Rut mondjokana, Ester ta galikanene aatokolelwa eso yomoshigwana she. Nehemia noshigwana she.

Ohole otayi tu thiminike okulonga oshilonga shetumo, okukondjela omagongalo getu, nehumokomeho lyevi lyetu mipangelo nomifilongayakulo ayihe. Tu kale tu holathane shili, tatu pukululathana. Ohole yi iholele mokati komaudhigu, nomokati kaatondi yetu.

O T A N D I M U H A L E L E O H O L E T A Y I Z I K U K A L U N G A nokuJesus ye mwene Ohole. Omuti nguka gwohole noshilongitho shika OHOLE, osho ashike tashi vulu okuyakulitha apehe. Ohole oyo oshipatululo (oshapi) yekumba kehe ngoka haga longithwa moohotela nomOmagangano omanene haga ithanwa "Master." Ngoka e shi na, ota yi mo mondjugo shaandjoka. Otashi kumitha koonkondo dhi thike mpaka, ihe oshili oyo ndjoka kutya oyo oshipatululo shokuya meni lyondjugo kehe, nayi kale oya patwa nekumba lya tya ngiini.

(Kepandja tali landula)



O H O L E yaK A L U N G A . . . . .

Dha za kep. 3

Oshipatululo shino shoMaster miilonga yetu ayihe noyoonuumvo 1975, osho Ohole yaKalunga. "The ohole oyo onene yi vule ayihe mbika." Shika otashi ti, kutya eitaalo oli na ethikilo lyalyo, shimpa tuu twa mono shono twi itaala, nenge twa tegamena. Ongele emanguluko moondjo, emanguluko lyoshigwana, edhimopo lyoondjo, Oshilongo sha-Kalunga, ombili nenge ookuume ye tu tetekelela, nena opuwo. Eitaalo netegameno ye tu thikitha noshilonga shayo osha pwa. Otwa mono eya-mukulo keitaalo noketegameno lyetu.

The ohole itayi hulupo, aawe. Otayi tsikile notatu tsikile nayo okuholathana muuyuni mbuka nomuuyuni tau ya moitaali ayehe yaJesus naKalunga Tate, aluhe sigo aluhe. Ano oshili kutya O H O L E omene yi vule eitaalo netegameno. Shika osho edhina nenge oshipalanyolo shOmumvo 1975 mOngeleki yetu yaELOK ndjoka yi na omukanka gwayo Ochapu dhaKalunga.

=====

Eyelithilo ndika lyoondunge dhomuule okuyelitha Ohole yaKalunga nkene yi vule ayihe, olya etwa po komuwilikingleleki Kleopas Dumeni ongekundo lyOmumvo komagongalo nokooitaali ayihe mOngeleki yOwanbokavango.

S H I M W E T A S H I K E T A S H I  
K A L E L E L E

Iinima ayihe otayi lundululwa nopehulilo otayi hulu po. aantu otaa valwa, etaa si. Otaa tungu iilando niilongo iinene, ihe esiku limwe otaa mana oondjenda dhawo. Ashihe otashi ende nondjila yokuka hula po.

Aakwaniilwa aanene oya li taa tungu iilongo iinene, oya si. Iilongo yawo niilonga yawo oya yonagulwa po. Omupsalmi ta ti:

Ongoye wa dhike nale evi negulu noyo iilonga yiikaha yoye. Oyo otayi hulu po, ngoye noto kala aluhe, Ps. 102:26. nomimvo dhoye kadhi na mpo tadhi hulu po.

Iigwana otayi ya notayi yi. Omdhiladhilo otaga holoka po notaga dhimbiwa. Omagumbo otaga tungwa, ogo notaga yonagulwapo. Elandulathano lyuuyuni olyo okuvalwa nokusa.

Ihe kombanda yehulilo lyuuyuni naantu ayihe, ope na gumwe ngoka ita hulu po J E S U S K R I S T U S Oye nguka ohela nonena naaluhe. Heb.13:8 Ye okwa ti ochapu dhe

kadhi na mpoka tadhi hulu po Mat. 24:36 Oye Kalunga kaaluhe Puye kapu na epingathano Jk.1:17 Muye omu na eudho alihe. Emdhindhiliko lyohenda yaKalunga. Okwa ulike esilohenda lye niilongankondo oyindji, unene mokusa kwe kwokomushigakano. Evalo lye neso neyumuko lye melondo lye kegulu, ayihe otayi tu ulukile ohale ye okuhola uuyuni.

Oye omuuvithi guumongo waKalunga. Momathimbo agehe ota gandjele aantu uyelele waKalunga. Oshoka momathimbo agehe, okwa hala okuhekeleka aantu ye. Oye ta hiya ta ti:

"Ileni amuhe kungame, one omboka hamu longo nomwa loloka, ngame notandi mu pe evululuko." Mat.11:28

Elaka lyokuhupitha aantu otali kala momathimbo agehe. Olyo ehala lyomukulili. Mat.18:11 Oye ota kala nomwenyo megongalo lye, a hala okuhupitha omuntu kehe.



O O N D J I M B O D H O N G E L E K I

N I I H I K O M W A

Oshitya "okwiimba", otashi ti; okuhambelela, okutanga, okutumbaleka, okusimaneka, okupandula Luk.1:45-55; 69-79, 2:14 Omwiimbi ota imbile Kalunga Omuhupithi gwe. Eps. 96:1-3 Aayengeli megulu otaa imbile Kalunga ethimbo alihe. Jes. 6:2-3

Ombimbeli olyo embo lyoondjimbo nenge lyiitewo. Unene Omapisalmi ogo oondjimbo dha longithwa melongelokalunga lyopaxhijuda. Aajuda momalngelokalunga gawo motempeli nenge moosinagoga, oya imbi omaimbilo ngaka paziminathano (antifony). Yamwe otaa tumbula manga yamwe taa yamukula Okwiimba kwa tya ngeyi oku ma omulyo tagu opalele wo Aayafrika. Oshiholelwa:

1. "Otandi ku hambelele Kalunga Tate
2. Ongoye Omuwa gwegulu nogwevi alihe."

(Omutoti M.Endjala, paMat. 11:25)

Elongelokalunga lyopashijuda li na oondjimbo, otatu li adha unene pethimbo lyomukwaniilwa David. Ondj. yotango 15:16-21, moka mwa longithwa wo iihikomwa. Oyindji yomuyo oya fqathana naambyoka yetu, nando ngashingwi oya kana. David sho a sindi Aafilisti, okwa eta ompungulilo ya-Kalunga kuJerusalem, nopwa imbwa eimbilo lyehambelelo l Ondj.16:8-36

Oondjimbo odha humithwa komoho, unene pethimbo lyomukwaniilwa Salomo ngoka a tungile Kalunga otombeli 2Ondj. 5:12 Eyelitho lyelongelokalunga ndyoka lya ningwa kuHiskia na Josia, oya kwata wo nookoondjimbo. 2Ondj. 29:25-30 Ondigolo neimbilonyanyu lyAaisraeli oya li li thike peni? Ehambelelo oya thiki sigo kiikogo uuna ya imbi momalngelokalunga gawo, sho ya zi muupika kuBabel. Neh. 12:27, 45-47

Iihikomwa ya tumbulwa mOmbimbeli otatu vulu oku yi tula moongundu ndatu Yimwe yomuyo otayi monika moovelise ndhika: Ps. 150:1-3 lKor. 14:7

1. yombepo hayi fudhilwa: oohiya, enkuma, oluniga
2. yoongodhi: okashandja, okawagawaga (oshiketala)
3. hayi dhengwa - oontunda, okahumba kuungendjo

Melongelokalunga lyopaTestamendi Epe nenge lyopakriste, aakwanegongalo ayehe oye na "okundjoina. Kehe gumwe oku na okukala mo ta ningi sha, ti imbi nenge ta galikana. Omaimbilo gomelongelokalunga oge lilepo okutunga aakwanegongalo ayehe, pambepo. Paulus ta ti:

"Aamwameme, onda hala okupopya shike ano? Sho hamu gongala melongelokalunga, ohamu kala gumwe oti imbi eimbilo, gumwe ota longo yakwawo, gumwe oku na ehoolo lyaKalunga, gumwe ota popi omalaka gaashiwike nomukwawo ota fatulula shoka taga ti. Kehe shimwe oshi na okukala ekwatho lyegongalo."(1 Kor.14:26 patoloko lyOmbimbeli epe)

Melongelokalunga moka omusita oye awike ta longu, manga egongalo tali kotha, kali shi elongelokalunga. Momalongelokalunga getu gamwe ohashi vulika mu na owala aantu yaali nenge yatatu taa imbi, yalwe oya mwena. Pamwe inatu ningilwa sha kuKalunga, onkee katu na sha shoku mu hambelela. Ayehe mboka ya dhimbulula Kalunga e ya ningila iinima iinene, otaa pandula nokuhambelela melongelokalunga lyomongeleki nomokukalamwenyo kwe-siku kehe. Ef.5:19-20, Ps. 100 Kalunga okwe tu pa omakana nomawi tu mu imbile kombanda yevi notatu tsikile sigo megulu.

Opu na epulo: Mboka ihaa imbi nehwamo, pamwe omaimbilo hage longithwa kage na omulyo kuyo nomukwelengendjelo gwopashiafrika. Pamwe iihikomwa yetu uushandja moontunda otayi pumbwa yi shashwe yi ninge ikriste yo yi longithwe mOngeleki, yi gandje omulyo? Iinima oyindji otayi ka hula po, ihe okwiimba nokuhambelela Kalunga, itaku hula po nando. Aahupithwa otaa ka hambelela Kalunga sigo megulu. Ehol. 4:9-11, 5:8-12

(Eino Amaambo)



-6-

ONHELE YA JESUS MOKATI  
KOVAKONDJELIMANGULUKO  
VAKWAO

Jesus okwa lombwele aalongwa ye: Tala, otatu yeni kuJerusalem, noko taku ka gwanithwa ayihe mbyoka ya shangwa kaaprofeti tayi hokolola Omu-na gwOmntu.....Luk. 18:31-34

=====

Jesus ngenge ta popi kovahongwa vaye nokutya ondjila yaye kuJerusalem otai ka xula nomahepeko nomefyo, naku konekiwe yo apa ya hovela noye mu endifa; nokutya omomulandupangelo wa yelifwa kOmuyevangeli Lukas:

Eudifo levangeli keehepele, emanguluko leenghwate nepashulo lovapofi. Luk. 4:18-19 Ashishe tashi kumu omunhu omwenyo nolutu, osha kwatelelwa omu.

Fye otu li yo pefimbo li li ngaha vahapu tava ende nondjila yomahepeko. Kave na vali omaumbo, ouvalelo, tava hepa komalutu vo tava dipawa. She va kaleka mondjila ya tya ngaha, okumangulula oiwana yavo. Oshili oi li apa nokutya ou ta kondjele ouwa womukwao, ondjila yaye itai kala inai pitila mouyehame tau twala fiyo omefyo. Ondilo yomunhu mokati koshitwa aishe, otai limonikila opo kutya ita amenwa noupu. Olutu momwenyo oi na okuyandjwa exwikilo koshilonga eshi, opo onghalo yomunhu yopashito i kale ye lixwapo.

Apa tapu yandjwa exwikilo, pe na yo okupangelwa kohole. Omuyapostoli Paulus okwa ti nokutya, nande na yandje po olutu laye, ndele ohole kai po, oshilonga ashishe oshimha. 1 Kor. 13:3 Ei oyo ondjila yaKalunga omushiti womunhu okumangulula omunhu waye moupika wolufi keshe. Joh. 3:16 Meduliko Jesus ota findikile olutu laye momwenyo koshilonga shehalo laKalunga kuJerusalem. Kwinya ota ka yandja, ita ka nyekwa. Eshi inashi udika iko kovahongwa vaye, Ov.34 Osho yo itashi udika ko kovakondjelimanguluko mokati ketu. Ngaashi Petrus a kufile eongamukonda a kandekele oshilumenhu omaponokelo, osho tashi ningwa pefimbo letu.

Mefinamhango laJesus okukondjela omunhu, kamu na etiko lohonde tai kondjelwa, ndelene omu na etiko lohonde tai yandjwa kehalo liwa. Omaano exwikilo, oshinima hashi yandjwa kemanguluko nokehalo liwa nande pe na ouyehame. Osho Jesus a ninga. Jes. 53:7 Eshi kakwa li shi uditike ko kovahongwa.

Ngenge otu li mounyuni vamwe tava piki vakwao, osha dja ashike mukuhau-da ko oshilonga shaJesus. Ngenge vamwe otave liyandje natango kepangelo lasatana, otashi di ashike mukuhau-da ko omanyolo. Osho yo okuhau-da ko otaku pangele nomuovo tava diladila ohonde yavo i tike, opo edu li mangu-luke. Ihatu mono ondjila iwa yokuhanga koshilongaifano shetu ongovako-ndjelimanguluko mounyuni wetu, ngenge inatu uda ko omalombwelo aKalurga.

Otu li pefimbo liwa moubuwanhu waAfrika tu tule natango oshilonga sha-Jesus muJerusalem koshipala shetu, fye tu konge mounyuni ngenge hatu hange mo onhele ya tikila ohonde ya yandjwa mohole pehee na ekandekelo lomaponokelo. Itatu i hange pamwe pe lili ngeenge kamu shi muGolgota. HamuVietnam, hamuNamibia, hamuOushilo wOpokati ile muAngola. Nde osho sha ningwa muGolgota, otashi nyamukula yo omhumbwe moilongo ya tumbulwa, ile inai tumbulwa apa. Otashi nyamukula ekondjo lomwenyo keshe, kamu na ou-yadi waKalunga

Pefimbo eli Ongeleki otai lipula unene naaveshe tava kondjele emanguluko, nelaka layo kuvo. Otai lipula naaveshe ve na enota letiko lohonde noshinakuwanifwa shayo kuvo. Komapulo aeshe aa, elaka lomukondjelimanguluko waKalunga olo eli: Ohandi i ko kuJerusalem aishe i ka wanifwe. Osha ningwa shili. Owe shi itavela?

(Sebulon Ekandjo)



OVAKWANGELEKI VA LONDWELWA KEPANGELO LOWAMBO,

OVAFITA VE LIKUFA MO

Elondwelo likukutu ola dja koministeli ikulunhu mEpangelo lOwambo, ohamba Fillemon Elifas la pitila moradio Owambo, nokutya efinimo paife ola fika ovakwangeleki va kale ashike moinima yopangeleki, nde hayoupolotika.

Ongoshinakuwanifwa shotete shEpangelo lipe, olo ohamba ya ti kutya ola hoololwa mehalo liwa koshiwana, onghatu otai ka katukilwa omunhu keshe wOngeleki te litula moupolotika wOwambo, ile tai katukilwa ovo ve lini nga ovawiliki va SWAPO.

Omubishopi Richard Wood, wOngeleki yaAnglikani muNamibia, oye unwe a tumbulwa koshito, nokwa ngabekwa aha lyate nande vali omhadi yaye mOwambo ono mu na oilyo yOngeleki yaye i dule 50,000.

Epangelo lOwambo ola hoololelwa oilyo ipe petameko laJanuali 1975 neepelesenda 55. Ovanhu 120,000 okwa li va talwa ve na oufemba wokuhoolola moshiwana ashishe. Eepelesenda edi oda talika diwa unene okuyeleka ne hoololo la dile ko 1974, ono nwa dile ashike 2.8.

Okwa li ovalihoololifi lll mehoololo eli, nde 42 ashike va pumbiwa mo. Ovalihoololifi vatatu vOngeleki ova hangika ve likufa mo fimbo ehoololo inali tameka. Ovo omufitaongalo Johannes Ekandjo (ELOK), omuevangeliste Teofilus Kalimba (ELOK) norudiakoni Abraham Hangula (Anglikani). Eshi inashi kufa omadina avo meshikulafano lovahoololwa.

Komufala Hembadi, omushamane Jannie de Wet, okwa popya nepandulo a ti ehapupalo leepelesenda mehoololo eli, eulikilo liwa nokutya oshiwana osha hokwa epangelo lasho neuliko yo kutya omhepo ya SWAPO movanhu otai ngonopala, mOwambo. Omuvalu munene wovahoololi owa dja ashike mOwambo.

Kombinga ya SWAPO mombilive yonoipafi oyo a shangela kohamba Elifas moku. Hembadi, okwa ti nokutya omahangano oholomeende kae na sha noupolotika ngashi B.B.K. namakwao, okwa longifa efininiko kovanaailonga vavo, oyo va ye kehoololo. Efininiko la tongwa mo olukutewa mo moilonga kwaau ita hoolola.

Pefimbo lehoololo okwa udika omahokololo mahapu keembinga neembinga dOwambo e ng sha nomafiminiko. Peembelewa yo dokaholo pOndangwa nopOshivelelo kOmanutuni.

Ovawiliki vOngeleki yOwambokavango ova indila kovashangi voifo aya va kala mOwambo pefimbo lehoololo, va konakone oshili yomafininiko. Konina osha ka udika moradio Owambo nokutya momapopyo ovawilingeleki kamu na oshili yasha, omalundilo ongaho. Ovashangi voifo ove ile kOngeleki okupula omadiladilo Ongeleki kombinga yehoololo.

Nande omakonakono aeshe omolwehoololo, inaa pwa natango, momadina ova hoololwa va wina, inaa shiivifwa, ohamba Elifas oya ti, kutya Epangelo lipe otali ka hovela diva moilonga yalo ngashi le shi lineekelelwa koshiwana. Onghatu otai ka ningilwa keshe ou te litula moupolotika wOwambo.

Ohamba oya ti yo natango, kutya ongudu ei otai ka kala i na oufemba oku ka kundafana onakwiiwa ya Suidwes-Afrika alishe. Omutunba wotete wEpangelo lipe owa tengenekwa u ka hovele diva muFebuluali 26.

++++  
++++  
++++



O K A K A L A T A O K A P E K I I G A N D J W A  
M U E L O K

Okakalata kiigandjwa yegongalo hoka ka tokolwa kOshigongingeleki sha ELOK, shono sha piti, oka holoka nokuli. Omukwanegongalo kehe oku na ompito yokwiimonene okakalata ke, shimpa tuu ka thiki koshinyangagongalo shaandjawa. Otaka longithwa ngeyi:

1. Omuntu ngoka te ya moshinyangagongalo okugandja iigandjwa ye, omutango oye ta pewa bonomola yotango. Mboka taa ka landula ko osho taa ka pewa wo oonomola tadhi landula palandulathano lyaatetekeli.
2. Otamu nyolwa egongalo, edhina lye, ebandja lyembo enene nonomola ye.
3. Otamu nyolwa wo omumvo ngoka ta futu, esiku, omwedhi nomuvongunga gwe. Tamu nyolwa iilya, iimaliwa nenge shaashoka omuntu ta futu. Huginina eshaino lyamutaambi. Ayihe mbyoka otayi nyolwa momusinda momahala gayo.
4. Omuntu oku na ompito ye eguluka okufuta ombinga yiigandjwa ngashi a tala ta wapa nenge okufuta ayihe pethimbo limwe.
5. Omuntu ota kala ano e na uukalata uyali, kamwe ote ka dhiginine yemwene, okakwawo taka pungulwa moshinyangagongalo. Ngele okakalata oka pu ko, otapu gandjwa hoka taka tsikile. Endelega u imonene okakalata kiigandjwa yomumvo muElok.

Omughiginini gwiiniwengeleki  
(M.Nghipandulua)

E T S E Y I T H O

Mboka ya li melongekidhosi-kola lyomusiki noye na uuthemba okutsikila ishewe, otaa indilwa ya kale ya thika kOngwediva eti 16/2/75.

Mboka inaaya holoka kelongekidho muKotoba 74, itaa tegelwa ko.

(M.Kambudu)

IINIMA YA KANA

Immanuel Shihepo, Engela, Oukwanyama okwa nanifa oinima yaye, nde oya toolwa ku J.N.Angula, Posbus 601 Swakopmund. Tel.2440

Mwene woinima ile vamwaina, nava puwe kowadelesi ya andjwa pombada.

O M U K W E T U

Oye oshifo shOngeleki onkwaevangeli paLutheli yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala Amushanga gwoshifo Rev. Sebulon Ekandjo.

Ondando yoshifo komumvo muSuidwes nomuAfrika alihe R 1,00, kombanda yomafuta R 2,00

Ondando nomambesitelo naga tuminwe kOmukwetu, Oniipa, P/B. 2013, Ondangwa Omatseyitho agehe gomuntu mwene, ohaga futilwa kumwene ngashi ta longitha ehala ndyoka.

Owambokavango Church Press  
Private Bag 2013, Ondangwa 9270 SWA